

籌辦夷務始末

咸豐朝
卷五十九之六十

籌辦夷務始末卷之五十九

咸豐十年庚申七月己酉

欽差大臣科爾沁親王僧格林沁大學

麟奏本月十三日承

准軍機大臣密寄奉

上諭三盟兵丁除已調赴軍營外其餘

尚堪續調著僧格林

沁體察情形酌量具奏等因欽此十五日惠親王等至通與

僧格林沁面議防守機宜並齎到

硃諭等僧格林沁敬謹聆悉伏思等僧格林沁損兵折將罪無可

道荷蒙

聖恩不加嚴譴又蒙

錫以

溫諭努跪讀之下。感愧無地。惟有激勵將士。奮勉圖功。以仰報

高厚鴻慈於萬一。查三盟兵丁。擬請各調一千名。住古北口。以為

京師後路聲援。應由軍機處行文理藩院。迅即撥調。並派令

卓哩克圖王巴圖。巴林王那木濟勒旺楚克。喀拉沁王色

伯克多爾濟。各帶本盟官兵。以期得力。該王等均係蒲兵

扎薩克。例應帶兵。至京城之防。倍緊要。各項大礮。應於

大城安設。斤重較小礮位。安於外。其神樞礮位。各在本

處垛口安設。並請將城上各垛口。土培厚。以期穩固。其

小賽尚阿。曾在軍營。於布置一切。為明晰。合無仰懇

天恩將奕山等交王大臣以資驅策。至此項夷人之來。步隊不過萬餘名。節次擊斃數千名。計算該夷現在不過一萬之眾。我兵馬步三萬。合力截擊。堪數抵禦。惟

京師為根本重地。兵力不可過單。擬將伊勒東阿所帶官兵四千名。先行撤回。其通州駐紮八旗驍騎營官兵一千二百名。八旗漢軍官兵八百名。均係弓箭刀矛火槍甚少。抵此勁敵。難期適用。此項官兵。擬俟山海關馬步官兵到齊。一併撤回守城。以節經費。牙僧格林沁統帶津沽撤回步隊。於十一日前往張家灣。迤南分紮十營。馬隊官兵在馬頭一帶。節節紮。以作前敵。並多設偵探。直至天津。以期

聲氣相通。孝瑞麟仍統領原帶官兵在通州駐紮。續到察哈爾官兵二千名。派令克興阿管帶一千名。在馬駒橋駐紮。察哈爾總管那瑪善管帶一千名。在采育駐紮。山海關馬步官兵將次到防。擬將馬隊派赴馬頭一帶。步隊在張家灣一帶分布防守。天津大礮業經運通。孝等即派天津防堵之漢軍官兵八百名。各運送回京。至通倉米石塔放兵餉。誠有便於兵食。第七月分兵餉。業經支領。擬八月再行塔放。至應放幾成。支銀若干。業經札知糧臺。詳細覈計。一俟詳覆到日。孝等再為妥議具奏。平家灘引河。晝夜督催挑挖。將次工竣。現於北運河釘樁下埽。使上游之水歸

入引河。惟口門漸收。漸小。水溜愈急。堵合甚難。現在沒法
籌辦。以期宣洩。

硃批。另有旨。僧格林沁著暫緩來京。

諭軍機大臣等。本日據僧格林沁瑞麟奏覆陳近日防守情形一
摺。業經於摺內批示。僧格林沁暫緩來京矣。該大臣現在統帶
撤回步隊於張家灣。迤南分紮十營。馬隊官兵在馬頭一帶。節
節屯紮。瑞麟仍統領原帶官兵駐紮通州。其察哈爾官兵分撥
在馬駒橋。采育等處駐紮。並多設偵探。宣洩河水。布置均尚周
密。即著照所議辦理。所有三盟兵丁三千名。業經諭令巴圖魯
親自統帶前來。駐紮古北口。以為京師後路聲援。伊勒東阿所

帶官兵四千名。著准其先行撤回。並准俟山海關馬步官兵到齊後。即將通州駐紮之八旗滿洲兵一千二百名。八旗漢軍兵八百名。一併撤回京師。奕山、賽尚阿二員。已交欽派王大臣差委。其吳三一犯。亦已由兵部解通州。歸案審訊。即著派員嚴行究辦。毋任狡展。

閩浙總督慶端奏。竊^才承准軍機大臣密寄。咸豐十年五月二十三日奉

上諭。據慶端奏。喫啡二夷。現居定海廳城。操演巡查。強索徵冊等語。據稱。該夷在定海城。分段巡查。強索徵冊。該署同知甘炳飭紳民前向開導。夷情詭譎。無非為脅和地步。著慶端王有齡相

機善畫。勿令得步進步。欽此。當經恭錄密行欽遵。伏查喫啣二
夷。前次強索徵冊。意圖覬覦錢糧。一經地方官密飭紳民
與之理論。該夷知難遂欲。即以索貼巡費為詞。向地方官
逼寫錢糧數目。是夷情雖極陰險。實不敢與百姓為難。誠
如

聖明指示。若得百姓齊心。不致肆無忌憚。努訪察定海民情。尚知
大義。該夷即使得有錢糧數目。斷不能強逼徵收。現據護
理定海鎮總兵袁君榮稟報。探聞近日復有大輪船駛至。
內有黑夷千餘名。分居定海道頭地方。其城內所住夷兵。
陸續退出城外。當向通事盤詰。據稱伊國另有欽差前來。

就撫等情。並接署浙江提督臣賴信揚來咨相同。是否別
有詭計陰謀。業經飛飭袁君榮會同委員。並署定海同知
甘炳妥為防範。如果該夷得步進步。肆意要求。並即恪遵
諭旨。激勵民團。與之為難。仍令華商紳民等設法開導。總使該夷
無間可逞。就我範圍。惟嚇夷美理登。前向署定海同知甘
炳索貼巡費。甘炳堅拒不允。其錢糧數目。曾否開寫。並此
後如何情形。未據續報。現已密飭甯紹台道梁恭唇確查
稟覆。容俟覆到。再行奏

聞。

硃批。知道了。

熱河都統春佑奏竊於本月初九日承准軍機大臣字
寄七月初七日奉

上諭著春佑於原調各兵外再行酌量調撥務期多多益善並著
攜帶軍大器械兼行赴通等因欽此查熱河駐防額設兵二千
二百六十名本年三次調赴海防兵一千五百名現存兵
數養育兵外尚存有六百餘名熱河為邊疆要地未便無
兵鎮守惟京師門戶尤為喫緊自不得不先其所急茲酌
量撥派兵三百名揀委佐領謨翹作為營總佐領廣成作
為副營總防禦福壽等作為帶隊官共派七員分起管帶
惟軍大器械經前三次調兵攜去十分之九剩存若干未

能一律精利。現飭趕緊設法修補完全。定於十六十八兩日。次第起程。馳赴通州。聽候調遣。

硃批知道了。

西安將軍托明阿。署陝西巡撫譚廷襄奏竊。臣等前奉

諭旨。飭調西安滿漢馬步官兵四千五百名。前赴通州。當將調派

情形。暨催提分起啟程日期。先後分別奏報在案。茲於七

月十一日。承准軍機大臣字寄。初七日奉

上諭。現在事機緊迫。必得厚集兵力等因。欽此。遵查陝省旗綠官兵。頻經徵調。營伍空虛。現在皖捻未除。川氛正熾。東南一帶。多與豫蜀毗連。隘口紛歧。防範彈壓。在在喫重。且省城

綠營僅止存兵一千數百名。除字識匠役及墩塘各汛外。可備戰守者不及千名。實屬單薄異常。商雄防所止有兵八百名。潼關並無防兵。不得已酌添舊日練勇。與營汛分守。以固入陝門戶。此外提鎮各兵均已無多。再加徵調。實屬處處掣肘。惟海防事機緊急。敢不悉心籌畫。先其所急。以衛

京畿。茲臣托明阿於原調馬隊一千五百名外。擬再挑選八百名。派得力之員分帶啟程。連前共計二千三百名。臣譚廷襄於原調馬步隊三千名外。擬將豫備留陝防堵之河州鎮兵七百名一俟到日。亦即飭赴通州。連前共計三千

七百名。現又咨會固原提臣。另在所屬酌量察看。如能添調。即飭攜帶軍火。剋日來省。並咨明護理督臣。將能否添調之處。一併酌辦。總期多多益善。以壯聲威。至前調馬步各兵。臣等遵

旨嚴催。西安馬隊。已於本月十二日。全數由省啟程。副都統烏爾都即於十三日。督押前進。商維等處步兵隊一千五百餘員名。飭令分起跟接。並飛催漢中鎮總兵伊綿阿。趕緊趨行。在後押督。所有續派滿營馬隊綠營步隊。擬仍歸該二員一併統帶。其餘道遠提鎮各兵。又經飛催星夜兼程行走。不准稍延。以冀及早抵通。聽候調遣。

殊批知道了。

庚戌署理

欽差大臣暫署兩江總督江蘇巡撫薛煥奏。上海為夷人通商口岸。自該逆竄陷蘇城。嘆咭喇。喇嘛。晒。兩國均派夷兵防守。上海要隘。本有不與賊敵。不允賊來之說。七月十二日。該逆竄撲上海。先至徐家匯地方。殺斃傳教喇夷一名。及至午刻。賊逼城下。我兵與賊接仗。該夷兵亦上城從旁槍擊。斃賊甚多。雖該夷為保護夷商起見。而其助順去逆之意。

臣亦不敢壅於

上聞。惟嘆喇夷兵無多。賊逆膺聚甚眾。臣知未可深恃。仍當督率

在事文武分飭兵勇晝夜嚴防慎益加慎不敢稍涉疏懈
硃批知道了

辛亥

欽差大臣大學士桂良直隸總督恒福武備院卿恆祺奏竊粵桂
良於十五日在楊村途次曾將接到暎佛兩國照會鈔錄

恭摺奏

聞並將原件咨軍機處備查在案拜摺後旋奉

硃批本月十三日摺件並承准軍機大臣密寄

上諭桂良奏籌商議撫各節請旨遵行一摺桂良此次到津大局
所關自當豫行籌畫以便與該夷晤商等因欽此即日馳抵津

郡與_才恆福等恭聞

訓諭。並會商現辦情形。一面派員知照該夷。定日會議。詎料該酋
額爾噲等聲稱。現在並未罷兵。前已將所辦各事。節經照
會。俟一概允准。照覆前來。再行晤面。此時無可商辦。毋庸
相見等語。_才等竊思。既不見面。無從措手。_才恆祺。因知該
夷底蘊。向係吧嘎禮。噉唆嗎。從中主事。該國公使。唯其言
語是聽。隨即將該二首。邀至寓所。再四勸導。令其一同來
至_才桂良寓中。與_才恆福公同見面。當將所求各款。遵
旨逐層辯駁。乃該酋聲稱。和約所載各條。並本年二月間。照會軍
機處。及此次照會_才桂良各款。必得一概允准。不容稍事

商量。如有一款不准。伊即帶兵北犯。並稱天津通商一層。現在天津業已屯占。儘可開埠通商。不與中國相干。因聞^牙桂良到來。姑為言明。始於照會內提及此款。以俟我處照覆允准。今既見面。即當剋日一一照覆等語。^牙等聽其言詞狂悖。令人髮指。而大局所關。又不得不設法羈縻。且思天津現雖撤去城上旗幟。及看守之兵。而兵船尚泊內河。馬隊全紮海光寺一帶。若稍有耽延。不特占踞天津。竊恐驟然北向。況該夷立索照覆。不容刻緩。^牙等因事機危迫。焦急異常。而又不散遽為概允。正在萬分為難。接奉

硃批本月十五日摺件。並承准軍機大臣密寄。^牙等恭讀